

Kratak pregled naših ponuda

U našim centrima za njegu stariji ljudi kojima je potrebna njega mogu naći svoj dom. Oni će se kod nas osjećati dobro i zaštićeno, jer naš najvažniji cilj jeste da našim stanarkama i stanarima osiguramo najbolju moguću kvalitetu života.

Medicinske usluge, njega i staranje u centrima u skladu su sa najnovijim naučnim spoznajama na tom području. Oni imaju za cilj da staranje o stanarkama i stanarima bude prilagođeno njihovim potrebama i da podstiče njihovu samostalnost. Dalju podršku pružaju fizikalna terapija, ergoterapija i terapija aktiviranja. Pored toga raspolažemo raznovrsnom ponudom ishrane sa mogućnošću izbora jela, kao i raznovrsnim aktivnostima u kući. Da bismo naše zadatke obavljali na najbolji način mi redovno održavamo kontakt sa članovima obitelji naših stanarki i stanara.

Ponude i specijalizirane ponude

Njega i stanovanje

Naša standardna odjeljenja su odjeljenja za njegu i stanovanje, bez specijaliziranih ponuda.

Ponude za osobe oboljele od demencije

Osobe oboljele od demencije, kod kojih postoji opasnost bjekstva, kod nas stanuju u odjeljenjima sa posebnim zaštitnim mjerama. Zaštitne mjere sprječavaju da dementne stanarke i stanari pobjegnu iz odjeljenja i onda se ne znaju vratiti. U ovim odjeljenjima garantirani su i sloboda kretanja unutar samog odjeljenja i u njegovom vanjskom prostoru, kao i kontakt sa spoljnim svijetom putem redovnih šetnji i izleta. Njega i staranje u ovim odjeljenjima zasniva se na najnovijim spoznajama na području oboljenja demencije.

Ponuda za osobe sa otežanim kretanjem i rizikom pada

Ciljano i intenzivno jačanje putem vježbanja pomaže slobodu kretanja i time i samostalnost stanarki i stanara. Ova ponuda podesna je za ljude koji imaju mogućnosti i volju da redovno posjećuju sate vježbanja.

Ponude za duhovno aktivne osobe

Ova odjeljenja podesna su za osobe koje su u stanju uspostavljati kontakte i održavati ih i koje rado učestvuju u razgovorima i zajedničkim aktivnostima sa drugim stanarima

Palijativna njega

Palijativna njega i medicina specijalizirani su za potrebe teško bolesnih osoba i osoba na umoru. Cilj palijativnih mjera jeste da se kroz ublažavanje tjelesnih i duševnih bolova održi najbolji mogući kvalitet života. U skladu sa načelima palijativne njege i medicine u centrima za njegu neizlječivo bolesnim osobama pružaju se njega i staranje, kao i praćenje pri umiranju.

Dalje ponude i specijalizirane ponude u našim centrima

- za osobe porijeklom iz zemalja Sredozemlja
- za osobe sa kroničnim psihičkim oboljenjima
- za osobe sa neurološkim deficitima/ispadima
- za psihosocijalnu rehabilitaciju
- za pacijente MRSA
- za osobe za izrazito uvećanom tjelesnom težinom
- za osobe sa posebnim potrebama u pogledu njege (stanarke i stanari sa aparatima za disanje, traheostomom ili specijalnom njegom rana)

Različite ponude i specijalizirane ponude neprekidno se dalje razvijaju i prilagođavaju potrebama naših stanarki i stanara.

Odjeljenja za invalide

Ova ponuda predviđena je za mlađe odrasle osobe koje su stopostotni invalidi i potrebni su im stalna njega i staranje. Za njih u našim odjeljenjima za invalide postoji stambeni i životni prostor prilagođen njihovom uzrastu i njihovim potrebama. Aktivnosti, opšti uvjeti i slobodan prostor organizirani su tako da istovremeno omogućuju i najširu moguću slobodu vlastitog odlučivanja i mogućnost povlačenja.

Prelazni oblici njege

Ova ponuda namijenjena je osobama koje su otpuštene iz bolnice, ali se još nisu sposobne vratiti kući. Prelazni oblici njege pružaju im okruženje u kojem se aktiviraju i rehabilitiraju, u kojem mogu iznova ojačati i uvježbavati samostalan način života.

Prelazni oblici njege podesni su za pacijentice i pacijente kojima više nisu potrebne medicinsko-tehničke i/ili terapijske mjere jedne bolnice za akutna oboljenja i koji posjeduju tjelesne i duhovne mogućnosti za povratak kući.

Stambene grupe

Stambene grupe za njegu

Stambene grupe za njegu male su stambene jedinice, koje pokretnim stanarkama i stanarima pružaju mogućnost da i pored individualnog stanovanja ipak budu i u grupi. Ove stambene grupe u pravilu se nalaze na terenu centara za njegu.

Eksterne stambene grupe za njegu

U centrima za njegu organizirano je deset stambenih grupa za njegu sa različitim specijaliziranim ponudama. Ove grupe su stambene zajednice sa obezbjeđenim staranjem, ali su u znatnoj mjeri samostalne. U skladu sa njihovim željama i mogućnostima stanarke i stanari grupa učestvuju u svakidašnjim zadacima poput kuhanja, kupovine, staranja o rublju i drugima. U većini stambenih grupa za njegu stanuju pokretni ljudi sa nekim oboljenjem demencije, a neke grupe imaju druge specijalizirane ponude.

Liječnička njega i dušebrižnici

Za zdravstvene usluge u okviru naših ponuda odgovorne su naše liječnice i naši liječnici. Pored toga po želji je moguće stupiti u kontakt sa dušebrižnicima naših kuća.

Važna napomena:

Da bi neko mogao biti primljen u jedan od naših centara za njegu mora imati stalni boravak u gradu Zürichu.

Naše ambulantne ponude

Klinika za memoriju Entlisberg obavlja savjetovanje i ispitivanje osoba sa poremećajima pamćenja i demencijom.

Dalju ponudu, tijesno povezanu sa Klinikom za memoriju Entlisberg, predstavljaju **Kućne posjete SiL/IsR** (Individualna socijalnomedicinska rješenja). Kućne posjete osobama sa demencijom ili drugim poremećajima pamćenja imaju za cilj ispitivanje trenutne situacije i pružanje podrške u svakidašnjem životu.

Organiziranje dopunskih ponuda za staranje i njegu kod kuće za one službe koje nam upućuju korisnike naših usluga: za osobe koje njeguju kod kuće i za članove njihovih obitelji centri za njegu grada Zürichu nude fleksibilne ponude, koje se mogu prilagođavati pojedinim osobama da bi im se omogućilo da što duže ostanu kod kuće.

Informacije:

Informacije o prijemu u jedan od naših centara za njegu ili o dopunskim ponudama za staranje i njegu kod kuće pruža:

Savjetovalište "Stanovanje za starije" (Beratungsstelle "Wohnen im Alter")

Tel. 044 388 21 21 ili wohnenimalter@zuerich.ch

Informacije o ponudama Klinike za memoriju Entlisberg i o kućnim posjetama SiL/IsR:

Gerontološko savjetovalište

Tel. 043 495 18 18 ili gerontologische.beratungsstelle@zuerich.ch